



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 50. Theologus & Pœnitentiarius.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.
A. C. 1215.

stineat, tumque causam excommunicationis, contra se lata, tollat, aut eadem censura iterum innodetur. Quod si iudex, propriam culpam agnoscens, latam a se sententiam revocare velit, & ille, in cuius gratiam lata est, appellet, superior Appellationis rationem non habeat, sed excommunicatum absolvat.

Sup. Lib.
LXXIV.
§. 46.
LXXVI.
§. 44.

Nullus Superior vel quemquam excommunicet vel absolvat, avaritiæ causa, præsertim in illis regionibus, in quibus excommunicato, cum absolvitur, multa injungitur. Si ergo quis demonstraverit, se fuisse injuste excommunicatum, iudex excommunicans ad restitutionem multæ in duplum compellatur. Hujusmodi multarum, absolutioni adjunctarum, exempla superius occurrerunt.

§. L.

Theologus, & Pœnitentiarius.

e. 10.
e. inter. cat.
15. de off.
jud. ord.

Sæpe contingit, pergit Concilium, quod Episcopi Verbum Dei populo per se ipsos ministrare non valeant, præsertim si ampliores Dioceses sint, sive quod ipsi variis negotiis occupentur, sive infirmitatibus corporis, sive hostium incursumibus, aliisque obstaculis impediuntur, ne dicamus, scientiæ requisitæ defectu, qui nunquam tolerari debet. Quare sancti concilii

cimus, ut Episcopi viros idoneos ad san-
 ctæ Prædicationis officium assumant, qui
 plebes sibi commissas vice ipsorum visi-
 tent, si per se id nequeant, easque verbo
 edificent & exemplo. His, si indigeant,
 Episcopi suppeditent, unde sustententur.
 Porro in Capitulis tam Cathedralibus
 quam Collegiatis viri apti constituantur,
 qui ita Episcopos non solum in
 Prædicatione, sed etiam audiendo pœni-
 tentium confessiones, & cetera, quæ ad
 pœnitentiæ administrationem spectant,
 præstando adjuvent. Concilium Latera-
 nense, Alexandro III. S. Petri Cathedrali
 tenente, anno millesimo centesimo se-
 ptuagesimo nono, celebratum, decre-
 verat, in qualibet Ecclesia Cathedrali
 Magistrum Canonorum numero ad-
 scriptum esse oportere, qui gratis disci-
 pulos doceret, & cui Beneficium susten-
 tationi necessariæ congruum conferre-
 tur. Quia vero piissimum institutum
 in compluribus Ecclesiis executioni non
 fuerat datum, Innocentius III. in Con-
 cilio anno millesimo ducentesimo deci-
 mo quinto istud confirmat, additque,
 non solum in Ecclesiis Cathedralibus,
 sed etiam in aliis, ubi facultates suppe-
 terent, a Capitulo deligendum esse Ma-
 gistrum, qui sine pretio Grammaticam,
 aliasque scientias, quibus ipse instructus
 fuerit, tradat. Ecclesiæ autem Metro-
 poli-

Sæcul. XIII.
A. C. 1215.

c. 18.
Sup. Lib.
LXXIII.
§. 21.

c. II. Quia
non null. 4.
de Magist.

Sæcul. XIII.
A.C. 1215.

politica Theologum habeant, qui Presbyteros sensum S. Scripturæ, & præcipue quæ ad regimen animarum pertinent, edoceat. Cuilibet Magistro unius Præbendæ redditus destinentur, quos, quamdiu scholæ præfuerit, percipiat, quin tamen ideo Canonorum numero adscribi debeat.

§. LI.

Electio & Ordinatio.

c. 23.
c. Ne pro
defect. 41. de
elect.

De Electionibus Concilium ista statuit: Episcopatus vel Abbatia ultra tres menses non vacet. Alioquin illi, quibus jus eligendi competeat, hac vice priventur jure suo, idque devolvatur ad proximum Superiorem, qui intra tres menses Sedi vacanti Præfulem dare teneatur, atque si fieri possit ex ejusdem Ecclesiæ gremio virum, Capitularibus suis ad consilium adhibitis. Electionis forma duplicis generis est per Scrutinium vel per Compromissum. Si eligentes modo primo uti velint, Congregatio ex gremio suo viros tres nominet, qui suffragia omnium privatorum secreto collecta & conscripta illico omnibus promulgent, ut ille eligatur, de quo major vel sanior pars Capituli consenserit. Electio per Compromissum tunc fit, cum quibusdam viris eximii potestas nomine omnium eligendi confertur.

c. 24.
c. Quia
propt. 42.

Quæ